

# Akashvani, Sambalpur

## SAMBALPURI NEWS BULLETIN

10 December 2025 – 6.47- 6.52 am.

\*\*\*\*\*

ରାଜପଥ ପ୍ରକଳ୍ପ ମଞ୍ଚୁର I&PR

ଓଡ଼ିଶା ନ ଥିବା ଝଟା ଜାତୀୟ ରାଜପଥ ଲାଗି ୩୦ ହଜାର କୋଟି ଆଉ ଝଟା ରାଜ୍ୟ ରାଜପଥ ପ୍ରକଳ୍ପ ଉନ୍ନତିକରଣ ଲାଗି କେନ୍ଦ୍ର ସଡ଼କ, ପରିବହନ ଆଉ ରାଜପଥ ମନ୍ତ୍ରଣାଳୟ ତରଫୁ ୧୩ ହଜାର କୋଟିରୁ ଅଧିକ ଟଙ୍କା ମଞ୍ଚୁର କରାଯାଇଛି । ଇ ପ୍ରକଳ୍ପ ଡୁବନେଶ୍ୱରରୁ ପାରାଦ୍ୱୀପକେ ନୂଆ ଗ୍ରୀନ୍ ଫିଲ୍ଡ ରାସ୍ତା ସଂଯୋଗ କରାଯିବ । ୪ ଶହ କିଲୋମିଟର ଲମ୍ବା ରାଉରକେଲା-ବଡ଼ବିଲ-ପାରାଦ୍ୱୀପ ରାସ୍ତାକେ ୮ ଥାକିଆ କରାଯିବ । ବରପାଲି-ବଲାଙ୍ଗୀର ରାସ୍ତା, କେସିଙ୍ଗା-ଭବାନୀପାଟଣା-ଜୁନାଗଡ଼ ରାସ୍ତା, ବଲାଙ୍ଗୀର-ନୟାଗଡ଼ ରାସ୍ତାକେ ୪ ଥାକିଆ କରାଯିବ । ନୂଆଦିଲ୍ଲୀ ନ ଗଲାକାଏଲ କେନ୍ଦ୍ର ସଡ଼କ, ପରିବହନ ଆଉ ରାଜପଥ ମନ୍ତ୍ରୀ ନୀତୀନ ଗଡ଼କରିଙ୍କୁ ରାଜ୍ୟ ପୂର୍ତ୍ତ ଆଉ ଆଇନ ମନ୍ତ୍ରୀ ପୃଥ୍ୱୀରାଜ ହରିଚନ୍ଦନ ଭେଟିକରି ଇ ବାବଦେ ଆଲୋଚନା କରିଛନ୍ ।

ବିଶ୍ୱ ମାନବ ଅଧିକାର ଦିବସ      ଆରବନ୍ଧୁ/ କଟକ

ଫି' ଲୁକର ମୌଳିକ ସ୍ୱାଧୀନତା ଆଉ ଅଧିକାରକେ ସୁନିଶ୍ଚିତ କରବାର ଦିଗେ ସଚେତନତା ସୃଷ୍ଟି କରବାର ଲାଗି ଆଏଇ ସାରା ପୁରୁଥୁ ନ ମାନବ ଅଧିକାର ଦିବସ ପାଳନ୍ କରାଯାଉଛେ । ଫି' ଲୁକର ଖାଏବାର, ଶିକ୍ଷା ଆଉ ସ୍ୱାସ୍ଥ୍ୟସେବା ପାଏବାର ଲାଗି ଆଉ ନ୍ୟାୟସମ୍ମତ ସମାନତା ମିଳବାର ସହେତେ ମର୍ଯ୍ୟାଦାଥୁ ବର୍ବାର ଅଧିକାର ରହିଛେ । ଇତାକେ ନଜରଥୁ ରଖିକରି ୧୯୫୦ ମସିହା ନୁ ଫି' ବଛର ଡିସେମ୍ବର ୧୦ ତାରିଖ ଦିନ ମାନବ ଅଧିକାର ଦିବସ ପାଳିତ ହେଇଆସୁଛେ । ଇ ବଛର ଇ ଦିବସର ବାର୍ତା ରହିଛେ 'ଆମର ଫି ଦିନିଆ ଆବଶ୍ୟକତା' । ଭିନ୍ ଭିନ୍ ସାମାଜିକ ଅନୁଷ୍ଠାନ ତରଫୁ ଆଏଇ ମାନବ ଅଧିକାର ଦିବସ ପାଳନ୍ କରାଯାଉଛେ । ଇ ଅବସରେ ଆଏଇ ନୁଆଦିଲ୍ଲୀର ଭାରତ ମଣ୍ଡପମ୍ଠାନେ ହେବାରକେ ଥୁବା ଖାସ୍ କାର୍ଯ୍ୟକ୍ରମଥୁ ରାଷ୍ଟ୍ରପତି ଦ୍ରୌପଦୀ ମୁର୍ମୁ ସମୋଧିତ କରବେ ।

ରାଜ୍ୟପାଳ ସମ୍ବଲପୁର ଗସ୍ତ      ଆରବନ୍ଧୁ/ ସମ୍ବଲପୁର

ରାଜ୍ୟପାଳ ଡକ୍ଟର ହରିବାରୁ କମ୍ପମପାଟି ଆଏଇ ଦିନକିଆ ସମ୍ବଲପୁର ଗସ୍ତଥୁ ଆସୁଛନ୍ । ସହରର ତପସ୍ୱିନୀ ପ୍ରେକ୍ଷାଳୟନ ହେବାରକେ ଥୁବା

ଜିଲ୍ଲାସ୍ତରୀୟ ବିଶ୍ୱ ମାନବାଧିକାର ଦିବସ ସମାରୋହ ଯୁଗ୍ମ ଅତିଥି ଭାବେ ଯୋଗ ଦେବାର କାର୍ଯ୍ୟସୂଚୀ ରହିଛି । ରାଜ୍ୟପାଳ ଦିନର ସାଢ଼େ ୧୦ ବଜେ ସ୍ୱତନ୍ତ୍ର ବିମାନ ଜରିଏ ଜମାଦାରପାଳି ବିମାନ ପଡ଼ିଆ ନ ପୁହୁଁଚିବେ ।

ଜାତୀୟ ହସ୍ତଶିଳ୍ପ ପୁରସ୍କାର                      ଆରବିନ୍ଦ୍/ ସମ୍ବଲପୁର

ନୂଆଦିଲ୍ଲୀ ନ ଗଲାକାଏଲ୍ ୨୦୨୩-୨୪ ବର୍ଷର ଲାଗି ଜାତୀୟ ହସ୍ତଶିଳ୍ପ କ୍ଷେତ୍ର ନ ପ୍ରଶଂସନୀୟ କାମ ଲାଗି ଓଡ଼ିଶାର ୩ ଝଙ୍କୁ ସମ୍ମାନୀତ କରାଯାଇଛି । ଇଥି ପାରମ୍ପରିକ ପଟ୍ଟଚିତ୍ର ଲାଗି ସୁଧର କୁମାର ମହାରଣା, ଶ୍ରୀକୃଷ୍ଣ ରାସଲୀଳା ଆଉ ଗୋବର କଣ୍ଠେଇ ଲାଗି ତାଙ୍କର ଧର୍ମପତ୍ନୀ ଉର୍ବସୀ ମହାରଣା ଆଉ ପଥର ଖୁଦେଇ ଲାଗି ଯୁବ ଶିଳ୍ପୀ ବ୍ରହ୍ମାନନ୍ଦ ମହାରଣାଙ୍କୁ ଇ ସମ୍ମାନ ଦିଆଯାଇଛି । ନୂଆଦିଲ୍ଲୀର ବିଜ୍ଞାନ ଭବନଠାରେ ହେଇଥିବା ସମ୍ମାନ ସମାରୋହ ଶିଳ୍ପୀମାନଙ୍କୁ ରାଷ୍ଟ୍ରପତି ହ୍ରୌପଦୀ ମୁର୍ମୁ ସମ୍ମାନୀତ କରିଛନ୍ ।

ଯୁକ୍ତ ଦୁଇ ପରୀକ୍ଷା ପରିବର୍ତ୍ତନ                      ଆରବିନ୍ଦ୍/ ସମ୍ବଲପୁର

ରାଏଜେ ଯୁକ୍ତ ଦୁଇ ପରୀକ୍ଷା ସୂଚୀ ସାମାନ୍ୟ ପରିବର୍ତ୍ତନ କରାଯାଇଥିବାର ଉଚ୍ଚ ମାଧ୍ୟମିକ ଶିକ୍ଷା ପରିଷଦ ତରଫୁ ସୂଚନା ଦିଆଯାଇଛି । ମାର୍ଚ୍ଚ ମାସର ୧୧ ତାରିଖ ହେବାରୁ ଥିବା ଓଡ଼ିଆ ପରୀକ୍ଷାକେ ଛାଡ଼ିକରି ଅଲଗା ସବୁ ମାତୃଭାଷା ପରୀକ୍ଷା ମାର୍ଚ୍ଚ ୨୩ ତାରିଖ ଦିନ ହେବା । ସେନ୍ତା ମାର୍ଚ୍ଚ ୨୧ ତାରିଖ ହେବାରୁ ଥିବା ସବୁ ବିଷୟର ପରୀକ୍ଷା ୨୪ ତାରିଖ ଦିନ ହେବା ବଳି ପରିଷଦ ତରଫୁ କୁହାଯାଇଛି ।

ଝାରସୁଗୁଡ଼ା ଧାନଘିନା                      ଆରଏନ୍ୟୁ/ ସମ୍ବଲପୁର

ଝାରସୁଗୁଡ଼ା ଜିଲ୍ଲା ନ ଗଲାକାଏଲ୍ ଧାନଘିନା ମୂଲ୍ ହେଇଛି । ଜିଲ୍ଲାର ଲଇକେରା ବ୍ଲକ୍ ରେଙ୍ଗାଲବେଡ଼ା ନିୟନ୍ତ୍ରିତ ବଜାର କମିଟି ପରିଷଦ ନ ହେଇଥିବା ଜିଲ୍ଲାସ୍ତରୀୟ କାର୍ଯ୍ୟକ୍ରମ୍ ଥି ଜିଲ୍ଲାପାଳ କୁନାଲ ମୋତିରାମ ଚୌହାନ ଯୋଗଦେଇକରି ମଣ୍ଡି ଉଦ୍‌ଘାଟନ୍ କରିଛନ୍ । ପହେଲା ଦିନେ ଝନେ ଚାଷୀ ୬୦ କୁଇଟାଲ୍ ଧାନ ବିକ୍ରି ଲାଗି ଆନିଥିଲେ । ଇ ବଛର୍ ଏକଡ଼କ ୧୩ କୁଇଟାଲ୍ ଧାନ ବିକ୍ବାର୍ ଲାଗି ଚାଷୀମାନଙ୍କୁ ଟୋକନ୍ ଦିଆଯାଇଛି । ତାର୍ ଉତ୍ତରୁ କେପ୍ ଖେପ୍ କରି ଜିଲ୍ଲାର ଭିନ୍ ଭିନ୍ ଜାଗାନ ମଣ୍ଡି ଖୁଲାଯିବା ବଳି ଜନାପଡ଼ିଛି ।

ପ୍ରବାସୀ ଶ୍ରମିକ-ଜିଲ୍ଲାପାଳ

ନୂଆପଡ଼ା ସମ୍ବାଦଦାତା

ନୂଆପଡ଼ା ଜିଲ୍ଲାପାଳ ମଧୁସୂଦନ ଦାସ ଗଲାକାଏଲ୍ ଜିଲ୍ଲାସ୍ତରୀୟ ଅଧିକାରୀମାନଙ୍କର ସଙ୍ଗେ ଜିଲ୍ଲାର ରଜନା ଗାଁର ପ୍ରବାସୀ ଶ୍ରମିକମାନଙ୍କର ଘର୍କେ ଯାଇକରି ସଚେତନ୍ କରୁଛନ୍ । ପ୍ରବାସୀ ଶ୍ରମିକମାନଙ୍କର ଲାଗି ରାଜ୍ୟ ସରକାର ସବୁ ପ୍ରକାର ସୁବିଧା ସୁଯୋଗ ଯୁଗେଇ ଦେବାର୍କେ ପ୍ରତିଶ୍ରୁତିବଦ୍ଧ ଆନ୍ । ହେଥିର୍ ଲାଗି ଲୁକେ ବାହାର ରାଜ୍ୟକେ ନାଇ ଯାଇକରି ଭିଟାମାଟି କାମ୍ପନ୍ୟା କରବାର୍କେ ଜିଲ୍ଲାପାଳ ଶ୍ରମିକମାନଙ୍କୁ ବୁଝେଇଛନ୍ ।

କଟକ୍ ବାର୍ବାଟୀ - ଟି-ଟ୍ରେଡିଂ

ଆର୍ଏନ୍ୟୁ/ ସମ୍ବଲପୁର

କଟକ୍ ବାର୍ବାଟୀ ଷ୍ଟାଡ଼ିୟମ୍ ନ ଭାରତ୍ ଆଉ ଦକ୍ଷିଣ୍ ଆଫ୍ରିକା ଭିତ୍ରେ ଗଲାକାଏଲ୍ ଖେଳାଯାଇଥିବା ଟି-ଟ୍ରେଡିଂ କ୍ରିକେଟ୍ ସିରିଜ୍ ପହେଲା ମେର୍ଥି ଭାରତୀୟ ଦଲ୍ ବିଜୟ ଅଭିଯାନ୍ ମୁଲ୍ କରୁଛେ । ଭାରତୀୟ ଦଲ୍ ଦକ୍ଷିଣ ଆଫ୍ରିକାକେ ୧୦୧ ରନ୍ଥି ହରେଇଛେ । ଦକ୍ଷିଣ ଆଫ୍ରିକା ଦଲ୍ ଗଲାକାଏଲ୍ ଟସ୍ ଜିତିକରି ପହେଲା ବେଟ୍ କରୁଥିଲେ । ଭାରତୀୟ ଖେଳାଳିମାନେ ୨୦ ଓଭର୍ଥି ୧୭୫ ରନ୍ କରୁଥିଲେ । ଜବାବଥି ଦକ୍ଷିଣ

ଆଫ୍ରିକା ଦଲ୍ ୧୨.୩ ଓଭର୍ ଖେଲିକରି ମାତ୍ର ୭୪ ରନ୍ କରି କରି  
ଅଲ୍‌ଆଉଟ୍ ହେଇଥିଲେ ।

ଓଡ଼ିଶା ମାଷ୍ଟର୍ସ-୨୦୨୫

I&PR

କଟକ ଜବାହରଲାଲ ନେହରୁ ଇନ୍‌ଡୋର୍ ଷ୍ଟାଡ଼ିୟମ୍ ନ ଗଲାକାଏଲ୍  
ଅନ୍ତର୍ଜାତୀୟ ବେଙ୍ଗାଲୋର୍ ଟୁର୍ନାମେଣ୍ଟ ଓଡ଼ିଶା ମାଷ୍ଟର୍ସ-୨୦୨୫  
ଉଦ୍‌ଘାଟିତ୍ ହେଇଯାଇଛି । ରାଜ୍ୟ କ୍ରୀଡ଼ା ଆଉ ଯୁବ ସେବା ବ୍ୟାପାର  
ଆୟୁକ୍ତ ଆଉ ଶାସନ ସଚିବ ସଚିନ ରାମଚନ୍ଦ୍ର ଯାଦବ ଟୁର୍ନାମେଣ୍ଟକେ  
ଉଦ୍‌ଘାଟନ୍ କରିଛନ୍ । ପ୍ରତିଯୋଗିତାଥୁ ୧୨ଟା ଦେଶର୍  
ପ୍ରତିଯୋଗୀମାନେ ଭାଗ ନେବେ ।

ନୂଆ ଶ୍ରମ ସଂହିତା

ଆରବନ୍ଧୁ/ ସମ୍ବଲପୁର

କେନ୍ଦ୍ର ସରକାରଙ୍କର ନୂଆ ଶ୍ରମ ସଂହିତା ଜରିଏ ଠିକା କର୍ମଚାରୀମାନଙ୍କୁ  
ସ୍ଥାୟୀ କର୍ମଚାରୀ ବାଗିର୍ ସମାନ୍ତେ ସୁବିଧା ସୁଯୋଗ୍ ମିଳ୍ବା । ଯେନ୍ଥୁ  
ଛୁଟି, ଚିକିତ୍ସା ଆଉ ସାମାଜିକ୍ ସୁରକ୍ଷା ସାମିଲ ରହିଛି । ସେନ୍ତା  
ଶ୍ରମିକମାନେ ୫ ବର୍ଷର୍ ବଦ୍‌ଲେ ମାତରକ ବର୍ଷରେ ଉର୍ତ୍ତୁ ଗ୍ରାଡୁଇଟି

ପଏସା ପାଏବାର୍ ଯୋଗ୍ୟ ହେବେ । ସ୍ତ୍ରୀ କର୍ମଚାରୀଙ୍କର ବାଗିର୍  
ସମାନ ଦରମା ପାଏବେ ।

ପାଣିପାଗ ଆରବନ୍ଧୁ/ ସମ୍ବଲପୁର

ରାଜ୍ୟକେ ଉତ୍ତର ପଶ୍ଚିମ ଦିଗୁ ଶୁଖା ଥଣ୍ଡା ପବନ୍ ଆସୁଥିବାରୁ ରାତିର  
ତାପମାତ୍ରା କମ୍ ହେବାରକେ ଲାଗିଛି । ଆଏବା ୬ ଦିନ୍ ତକ୍ ପାଗ  
ଏଡ଼ା ରହେବା । ଗଲାରାତି ୧୦ନ୍ ଅଏଡ଼କା ସହରର ରାତିର  
ତାପମାତ୍ରା ୧୦ ଡିଗ୍ରୀ ତଲେ ରହିଥିଲା । ଆଏବା ୨୪ ଘଂଟା ଭିତ୍ରେ  
ଝାରସୁଗୁଡ଼ା, ସୁନ୍ଦରଗଡ଼, ସୁବର୍ଣ୍ଣପୁରଳ କଳାହାଣ୍ଡି ସହେତେ ୭ଟା ଜିଲ୍ଲା  
ନ ଜବର ଥଣ୍ଡା ହେବା । ସୁନ୍ଦରଗଡ଼, ଝାରସୁଗୁଡ଼ା ଆଉ କନ୍ଧମାଲ୍ ନ  
ବହଲିଆ କୁହୁଡ଼ି ଆଉ କୋରାପୁଟ୍, କଳାହାଣ୍ଡି ନ ହାଲକା ନୁ ମଧ୍ୟ  
ଧରଣ୍ଡର କୁହୁଡ଼ି ହେବା ବଲି ଭୁବନେଶ୍ୱର ଆଂଚଲିକ୍ ପାଣିପାଗ୍ ବିଜ୍ଞାନ  
କେନ୍ଦ୍ର ତରଫୁ ଅନୁମାନ କରାଯାଇଛି ।